



大禮記注卷第三



康熙六十一年十二月初三日奉移

梓宮初一日壬子行奉移告祭禮是日黎明

上從苦次出望見陳設祭品遂失聲大慟因

諭誠親王允祉等曰

皇考明年七旬大慶吾兄弟等方思以

萬壽聖節在

萬暢春園盡誠致敬供奉甘旨與四海臣民共
皇考效無疆之祝豈意今年此日乃於

乾清宮內作如此陳設耶言念及此心肝摧
上裂復大慟不止諸王皆伏地號慟大臣近
侍在左右者咸感泣不能仰視云

祭文六十一
年十一月三日奉

大金屏乍啟難伸視膳之誠

玉几徒陳尚想

垂衣之度禮式遵於祖饋情彌切於攀號灑淚

杼詞薦馨預告欽惟

皇考大行皇帝

深仁浹地

峻德同天

懋六十餘載之精勤仰承

大禮記注 卷三 二
列聖綿億萬斯年之曆祚垂裕後昆總萬幾而
刻日昃不遑熙庶績而耄期不倦稀齡甫屆
仙馭遐升四海之遙兆民之衆咸知

皇考爲生民而憂瘁因政事以焦勞遽失瞻依
若喪考妣屬當沖子負荷鴻基念繼述之
維艱撫心膺而永慟爰稽彝典敬卜良辰
戒羽仗以宵嚴駕

龍輻而曉發將由

寢殿移止

殯宮愴丹旄之前驅悲彤墀之永隔於戲

恩勤教育常懷風木之思義重

君親莫報

生成之德茲以牲牢酒醴敬行薦獻伏冀

聖慈鑒此哀慕

是日

上以

先帝昔年病疢違和曾將

御用服物檢出欲分賜諸王大臣後

聖體大愈未及分賜至是

上仰體

先帝遺意將平日

御用素珠服物器皿

上親酌定於

梓宮前分賜

先帝之皇子皇孫等及諸王大臣與

先帝之親近侍御及

內廷効力人等

是日奉

上諭諭戶部

皇考御極六十餘年澤周兆姓恩洽人心凡
巡幸所經州縣小民無不除道清塵趨事恐後
古北口一路為我

皇考每年行幸之地農工商賈皆得瞻仰

天顏親承

膏澤今聞

皇考賓天民心不知如何悲痛此路百姓歷年

出力實堪憐憫今將宛平順義懷柔密雲

平谷五縣昌平一州雍正元年應徵正項

錢糧一萬四千三百八十兩零盡行蠲免

又

陵寢一路此時正當修道之際亦宜軫恤今將

大興三河二縣通州薊州遵化州三州雍

正元年應徵正項錢糧一萬三千三百七
十六兩零亦盡行蠲免爾部行文該撫徧
飭所屬州縣實心奉行務令小民均沾德
惠倘有不肖有司私行徵收澤不下究事
覺定行重處爾部卽遵諭行

初二日癸丑向夕

皇上以明晨

梓宮將移

壽皇殿

特命御膳房供祭桌隨桌共二十七張一如

聖祖仁皇帝常日進膳時總理事務王大臣管

聖祖仁皇帝常日進膳時總理事務王大臣管

乾清門侍衛等皆入諸王及衆皇子皆齊集

梓宮前恭進膳桌

上親奉杯學三奠三酌躬獻

御饌跪而勸侑儼若

聖祖仁皇帝音容在上至誠至敬思慕深篤瞻

聖歷二戀哀號諸王大臣皆慟哭失聲

是日

諭怡親王允祥舅舅隆科多凡

先帝平日服御器用俱令陳設於

壽皇殿

初三日甲寅奉安

大行皇帝梓宮於

壽皇殿黎明

上於

梓宮前親奠呼搶擗踊痛哭盡哀辰刻恭奉

靈駕啟行

上慟哭前導由景運門出

梓宮升大昇輿

上西向跪哭俟

梓宮過隨行哭不停聲是日鹵簿全設凡

聖祖仁皇帝御用器物俱恭捧前行內大臣侍

衛俱在

乾清門外分翼排列跪俟

梓宮過慟哭隨行總理事務王大臣內務府禮

部工部大臣等俱在兩旁敬謹護侍

梓宮隨行其餘王以下公以上文武滿漢大臣

等俱分翼以次齊集候

梓宮至跪迎舉哀凡昇

梓宮校尉更換時

上必跪候換班畢乃起御路兩旁排列侍衛

及護軍人等因有看守之責雖懷悲切
不敢出聲

上察其哀痛之情令得盡哀衆皆號慟不已

聲震衢路

梓宮入

壽皇殿門

上於東首跪迎

皇太后率

大行皇帝諸妃嬪

皇后貴妃妃嬪等預俟於

壽皇殿

梓宮至慟哭跪迎隨安奉

梓宮於

殿內

上行三奠禮號哭盡哀

是日諸王大臣等具摺恭勸

皇上節哀奉

旨我朝自

太祖

太宗

世祖以至

皇考咸貴實行不尚虛文朕遇

皇考大事五內哀痛不能自持諸王大臣以朕

過於悲慟公請節哀朕思人子之於親喪

哭泣擗踊亦庸常之事將來能否仰副

皇考聖意保全骨肉惠養臣民如聖人所云善

繼善述朕亦未敢自必但朕受

皇考教誨鞠育迄今四十餘年恩勤篤摯慈愛

無窮朕承歡膝下無時不瞻

天仰

聖一旦永別寸心如割觸目增悲至性迫切實不能已朕非於此自謂盡孝亦非博盡孝之虛名也今朕躬尚能勉強支持倘果不能亦不敢過於哀毀有負

皇考付託之重况天降縞雪林木皆白自安奉

梓宮羣鴉環繞殿庭哀鳴七夜仰觀

天意俯察物情尚且如此朕能已於沉痛乎今梓宮奉移

壽皇殿朕未釋服之前必每日三次親詣獻食一月內日一次親詣獻食一月後數日親詣一次如此庶可稍釋悲思若欲朕銜哀強制則朕心愈無以自解朕在藩邸從不

務一切虛名今惟有行其所安以自盡其
心而已爾諸王大臣其諒之不必再奏矣

一是日以

聖祖仁皇帝之圖籍寶器文房武庫之具凡平

梓宮奉日服御所需及

手澤攸存者俱

命內侍恭捧先排列於

壽皇殿兩傍及

梓宮安奉之後陳列

几筵左右自是

上每日黎明卽詣

壽皇殿獻食三次致敬盡哀於

觀德殿席地而坐有應

奏之事卽於

觀德殿恭進

御覽至晡奠畢方

回居苦次

是日

上諭總理事務王大臣從前

祖母皇太后大事

皇考命十二阿哥帶管內務府事務善為辦理

皇考曾深嘉之今

皇考大典經十二阿哥總理三衙門事務諸處

有條有理殊屬可嘉於

梓宮典章甚屬勤勞十二阿哥著封為郡王再

總理事務王大臣等今番於

皇考大典甚効篤誠即今日

梓宮奉移於

壽皇殿無一不愜朕心伊等殊屬勤勞除二王
已經施恩外舅舅隆科多於

皇考時實心報効是以

皇考加恩任用較諸臣爲優今番大典更竭誠
盡力馬齊身任大學士二十餘年甚爲謹

厚

皇考巡狩所至時時扈從懋著勤勞今番大典

又公同善爲辦理伊等之勤勞非尋常可
比勝於一應功績舅舅隆科多所襲之公
爵乃舅祖之公爵此二人俱著賜一等阿
達哈哈番或兼於本身或襲與子弟悉聽
其意

初四日乙卯禮部謹

奏爲欽奉

上諭事奉

皇帝敕諭恭上

皇太后尊號

命臣等詳察典禮具奏臣等欽惟

皇太后

仁慈天授

淑惠性成

厚德承乾協贊光華之化

深恩應地式昭柔順之徽

母儀素著於彤闈

坤道不宣於椒掖

龍飛伊始

九重隆孝養之誠

鴻號宜崇萬國識尊親之典臣等會同總理事

新定宜務王大臣等擬定典禮於國邸監

皇太后尊號曰

仁壽皇太后俟

命下之日所有應備

皇太后表文冊文及金冊金寶并儀仗等一切

儀注另行具

題可也奉

旨是本日禮部以恭上

皇太后尊號應行典禮儀注具

奏

皇太后不允諸王大臣復具摺

奏稱為恭請

皇太后允上

尊號以慰

聖主孝思以副臣民仰望事本月初四日

上諭欽奉

皇太后懿旨予自幼入宮蒙

大行皇帝深恩備位妃列幾五十年雖夙夜小

心勤修內職未能圖報萬一

欽命予子纘承大統實非夢想所期

龍馭升遐予即欲相從冥漠予子皇帝再三諫

阻以為老身若逝伊亦欲以身從雪涕含哀

情辭懇至予念

先帝付託之重丕基是紹

宗社攸關勉慰其心未伸予志今諸王大臣援

引舊典請上尊稱此時

梓宮大事正在舉行淒切哀衷何暇他及尊崇

典禮實非予心所安况予戒慎居心謙沖訓

子但願予子體

先帝之心永保令名諸王大臣體

先帝之心各抒忠悃則兆民胥賴海宇蒙休予
宗躬大有光榮勝於受尊稱遠矣予言字字出
於真誠可傳諭諸王大臣共諒予心勿復固
請_臣等跪讀之下仰見

皇太后聖德謙光誠從古所未有恭惟

皇太后坤德承

天祥符育

聖自

皇上御極以來

天心順應衆志胥安政教弘敷仁恩廣被皆由
皇太后慈訓日久洪福無疆所致崇上
尊號乃天地之常經萬世不易之典禮伏乞

皇太后俯慰

皇上誠孝之心

允諸臣所請則內外遠邇踴躍鼓舞共戴尊親
而

鴻號永昭於奕禩矣臣等不勝顛望之至

皇太后堅執不允

上誠敬諄切叩請再三始奉

慈諭隨降

諭旨諸王大臣奏請一疏朕親呈

皇太后再三懇請奉

皇太后懿旨諸王大臣援引舊典懇切陳辭皇

帝屢次叩請予亦無可如何知道了

是日九卿詹事科道議覆元旦

萬壽冬至擬撰頒發表式等事奉

旨九卿奏請撰擬元旦萬壽冬至表式頒發

現今

皇考大事未過百日正哀慕之時朕豈忍升殿
受賀元旦冬至賀表應俟雍正二年舉行
至萬壽表文非過二十七月斷不可頒發
諸王大臣卽勉彊再奏朕亦必不允從

初五日丙辰

梓宮初安

壽皇殿行祭奠禮讀文致祭哭泣盡哀

祭文

聖顏漸遠悵無日以承歡

神爽非遙凜在天之對越想

訓言於憑几難酬罔極之

恩循典禮以薦馨彌切如存之慕抒誠莫罄銜

恤奚窮欽惟
皇考大行皇帝

廣運同天

大成集聖

豐功偉烈超千古以加隆

厚澤深仁邁百王而獨盛經文則三才萬象

奧義全通緯武則九伐四征

睿謨獨運用人行政巨細悉斷於

宸衷蠲賦祥刑遠近均沾夫

帝德乃

聖不自聖安愈期安夜未艾而求衣歲屢豐而

菲食六十餘年兢兢業業無一時能釋憂

勤千八百國皞皞熙熙惟

九重不遑暇逸嚴恭靡懈方占

壽考之無疆和豫偶違遽痛

升遐而不返趨庭非故啟

帷殿以增悲尚食依然對

黼筵而益慟四海遙同遏密萬方頓失尊親於

戲追思定省曾無晨夕之睽緬想

儀型永致天人之隔虔修牲醴用展哀誠伏冀

聖慈俯垂

歆格

是日

上諭內閣九卿翰林詹事科道朕仰荷

祖宗眷佑纘承大統恭上

皇考聖祖仁皇帝

尊諡恭念

太祖高皇帝

太宗文皇帝

世祖章皇帝

三聖相承功高德盛載考典章加上

尊諡因念

孝莊文皇后翊運啟基育成

兩帝朕在沖齡備膺

慈愛

孝康章皇后誕育

先皇懿徽流慶

孝惠章皇后德隆福厚篤愛朕躬朕意亦宜竝

加

尊諡但追尊固出至情而推崇必遵定禮爾等

可稽考載籍酌古準今會同確議具奏俾

朕得稍展思慕之誠又念

仁孝皇后作配

皇考孝敬寬仁坤儀懋著

孝昭皇后恪恭溫順樹範宮闈

孝懿皇后徽音淑德慈撫朕躬

恩勤備至均應恭上

尊諡以昭示萬年爾等一併會同詳察典禮擬

奏

初六日丁巳

諭滿漢部院八旗大臣等諸侍衛近侍及執

事人以受

皇考數十年參養深恩不忍遠離士一員尚書

梓宮奏請願往

陵寢守護者甚衆若盡行遣去勢有不能朕念

皇考陵寢如照定例止令總管關防等守護朕

心實爲不忍朕意欲於諸弟中派出一人封以王爵子姓內派出二人封以公爵永遠恭代朕躬守護

陵寢此處另降諭旨外應將大學士一員尚書二員侍郎二員都統二員領侍衛內大臣一員內務府總管一員副都統二員散秩大臣二員乾清門侍衛四員近侍四員侍

衛藍翎四十員派出守護伊等缺出不必補人此所派官員將現任滿漢大臣及原品食俸原品致仕竝從前委署人員職名查明開列具奏

是日

上諭和碩廉親王允禩和碩怡親王允祥多羅嘉郡王允禔公馬爾賽朕自值此大事

思憶

皇考平時愛惜之人

皇考前出力之人每欲施恩不能自已嘗聞

皇考諭旨八歲時耿額駙公主十二歲同居

慈寧宮

祖母太皇太后值

世祖章皇帝之事每日哀慟止有公主與朕同

伴將朕照看再佟外祖母竝不因朕是主上

稍有畏避不時看視雖屬細物必自行檢點

珍重齋送朕至今不能忘也又佟舅祖母以

朕弟兄俱係

皇考之子一體珍愛盡心看視謙恭淑慎甚得

大體堪為閨範

皇考亦云舅祖母克效佟外祖母伊等俱在朕

皇考前盡心殷勤行走如何能忘應將伊等作
何旌賚恩恤之處著該部議奏

大禮記注卷第四

康熙六十一年十二月初九日庚申

大行皇帝二十七日期滿行大祭禮讀文致祭
上思慕哀號盡誠盡敬

祭文

瓊霄在望知
陟降之非遙

玉輅初移儼

儀型之未遠奉犧尊於

享殿難同視膳之辰列仙仗於

殯宮迥異問

安之地含悽告奠灑淚陳詞欽惟

皇考大行皇帝

大精一執中

欽明建極

敬

天勤政時時以四海為心

法

祖誠民念念恐一夫失所

誕敷文德聿昭無外之車書

耆定武功遠拓未開之疆宇

生安天縱心源上接圖疇宇

祇敬日嚴

聖訓皆爲典誥宮闈儉約寧止再澣之衣海宇

豐登猶下屢蠲之

詔厚生正德庶績咸熙平地成天萬世永賴惟

六十年之

宵衣旰食普美利於不言合千萬億人之樂業

安居仰

神明之廣運耿光大烈累百牘而莫罄敷揚厚

澤深仁溯千古而更無倫匹方冀

鴻禧長茂何期

龍馭遐升承歡永隔夫晨昏薦享敬遵夫典禮

於戲勾陳環布猶憶

鑾輿臨幸之時

帳殿深嚴乃爲

神爽式憑之宇長懷

色笑悲

至德之難酬永念

君親痛

深恩之罔極伏祈

聖鑒來享明禋

祭畢羣臣請

上釋服

上號慟不已羣臣伏地環跪懇請

上乃於

几筵前行三跪九叩頭禮跪撫

寶榻悲哀逾切羣臣叩首跪而進前爲

上釋服

上不得已始易素服猶涕泣不止是日

上從苦次移居養心殿自是

上每日黎明

親詣

壽皇殿奠獻致敬盡哀凡宮禁殿廷中

聖祖仁皇帝御用坐褥

上皆不忍坐並令更換及

御用之帳幔衾褥等物皆分送

先帝妃嬪各宮敬謹收藏卽園房器皿悉令更

換誠敬備至雖極微之處未嘗稍懈

十二日癸亥

上諭九卿等自

皇考升遐以來朕心哀慕無已一應典禮俱令

詳考舊章務從隆備蓋不敢以天下儉於

親也但上之所行下必效之向來八旗官員於喪葬等事已極糜費今見朕備禮如是恐習以成風競尙奢侈而兵民等或至傾家蕩產殊與朕以禮教天下之意不相副也論語云禮與其奢也寧儉喪與其易也寧戚禮記云喪具稱家之有無載在典籍甚昭著也著九卿等將滿漢職官按其品級

分爲等次及兵民喪葬務從簡樸毋得僭妄併將婚嫁等禮詳議定例具奏

十三日甲子禮部

奏請恭上

仁壽皇太后尊號朝鮮國王并直隸各省文武

官員例應恭進表稱賀奉

旨恭賀

仁壽皇太后尊號表文是其

皇太后聖壽元旦冬至等節表文朕轉

奏

皇太后奉

皇太后慈諭皇帝冬至元旦表文俟雍正二年

舉行皇帝壽日表文過二十七月始行頒發

今我何可卽受表文特諭爾等知悉

是日理藩院遵

旨將會經軍前効力荷蒙

聖祖仁皇帝恩眷之蒙古王台吉等分別次序

在

梓宮前以

聖祖仁皇帝御用物件賞賜奉

上諭凡此皆爾等

皇考御用之物爾等乃

皇考信任之人故頒賜爾等嗣後當永永思念
皇考恩遇之隆倍加効力

十四日乙丑禮部謹

聖訓題為欽奉睿旨之蒙古王台古等伏願大皇

上諭事內閣九卿翰林詹事科道等仰承

聖諭恭議加上

列朝尊諡臣等仰見

皇上下大孝罔極敦本追遠揚顯

祖功

宗德此天明地察之大義繼志述事之鉅典也

臣等謹查會典開載崇德元年恭上

太祖尊諡曰

太祖承天廣運聖德神功肇紀立極仁孝武皇

帝共十四字康熙元年加上

太祖尊諡曰

太祖承天廣運聖德神功肇紀立極仁孝睿武

弘文定業高皇帝於仁孝字下加睿武弘文定

業六字改

武皇帝曰

高皇帝共二十字今擬於睿武字下加端毅二

字共為二十二字恭加上

太祖尊諡曰

太祖承天廣運聖德神功肇紀立極仁孝睿武

端毅弘文定業高皇帝順治元年恭上

太宗尊諡曰

太宗應天興國弘德彰武寬溫仁聖睿孝文皇

帝共十四字康熙元年加上

大禮記注 卷四
太宗尊諡曰

太宗應天興國弘德彰武寬溫仁聖睿孝隆道
顯功文皇帝於睿孝字下加隆道顯功四字共
十八字今擬於睿孝字下加敬敏二字
共爲二十字恭加上

太宗尊諡曰

太宗應天興國弘德彰武寬溫仁聖睿孝敬敏

隆道顯功文皇帝順治十八年恭上

世祖尊諡曰

世祖體天隆運英睿欽文大德弘功至仁純孝
章皇帝共十六字今擬於體天隆運字下加定
統建極四字共爲二十字恭加上

世祖尊諡曰

世祖體天隆運定統建極英睿欽文大德弘功

至仁純孝章皇帝又查會典開載崇德元年恭

上

孝慈昭憲純德貞順成天育聖武皇后尊諡康

熙元年改上

孝慈昭憲敬順慶顯承天輔聖高皇后尊諡共

十二字順治八年恭上

孝端正敬仁懿莊敏輔天協聖文皇后尊諡共

十二字康熙二十七年恭上

孝莊仁宣誠憲恭懿翊天啓聖文皇后尊諡共

十二字康熙二年恭上

孝康慈和莊懿恭惠崇天育聖皇后尊諡康熙

九年加上

廟號曰

章皇后共十二字康熙五十七年恭上

孝惠仁憲端懿純德順天翼聖章皇后尊諡

本朝

帝后尊諡雖皆十二字而臣等查明會典永樂

元年上高皇后尊諡十二字嘉靖十七

年加二字為十四字此前代已行之典

例也臣等謹擬

高皇后尊諡於敬順字下加仁徽二字共為十

四字恭加上

尊諡曰

孝慈昭憲敬順仁徽慶顯承天輔聖高皇后

孝端文皇后尊諡於仁懿字下加哲順二字共

為十四字恭加上

尊諡曰

孝端正敬仁懿哲順莊敏輔天協聖文皇后

孝莊文皇后尊諡於恭懿字下加至德二字共

為十四字恭加上

尊諡曰

孝莊仁宣誠憲恭懿至德翊天啓聖文皇后

孝惠章皇后尊諡於端懿字下加慈淑二字共

為十四字恭加上

尊諡曰

孝惠仁憲端懿慈淑純德順天翼聖章皇后

孝康章皇后尊諡於恭惠字下加溫穆二字共

為十四字恭加上

尊諡曰

孝康慈和莊懿恭惠溫穆崇天育聖章皇后又

仁孝皇后

孝昭皇后

孝懿皇后尊諡臣等遵照初上

尊諡十二字之典例恭擬上

仁孝皇后尊諡曰

仁孝恭肅正惠安和儷天襄聖皇后恭擬上

孝昭皇后尊諡曰

孝昭靜淑明惠正和欽天順聖皇后恭擬上

孝懿皇后尊諡曰

孝懿溫誠端仁憲穆奉天佐聖皇后臣等所擬

加上恭上字樣伏候

欽定

命下之日交該衙門詳察應行典禮議

奏為謹會平未嘗敢請自

備奏奉王父報等類受

旨是依議日丙寅

旨景十五日丙寅

諭怡親王允祥等朕受

皇考深恩四十餘年未嘗遠離自

皇考升遐無由再瞻門第察感行典斷斷

色笑今追想

音容宛然在目御史莽鵠立精於寫像昔日隨

筆班奏事常觀朕奉天武聖皇帝御筆

聖顏

皇考有

御容數軸收藏內府今恭謝

皇考高年實由史冊之垂深察於人之

聖顏微異於往時著莽鵠立盡心圖寫萬世

御容爾等擇潔淨肅清之地令莽鵠立薰沐敬

寫十六日庚子內閣大學士

十九日庚午內閣大學士臣馬齊等謹

奏為纂修

實錄事竊惟堯德難名允賴文章之煥禹功惟

敘實由史冊之垂將啓後人之景行必

陳先聖之作則恭惟

聖祖仁皇帝

勲兼創守

道贊生成六十一歲

宵旰之精思具在記言記事千萬億年

平成之大業著為

寶訓寶謨簪筆螭頭

綸綽祕藏於石室職書柱下日曆詳載於玉函

雖草野蒸黎皆知謳吟

聖德况廟廊臣子敢不昭顯

帝功

皇上膺握乾符繼光離照一言一行率循舊

章日旦日明敬承

先志推揚

神烈咸登瑤牒縹緗闡發弘規爰啓木天金匱

續

三朝之盛典成

聖祖實錄長編垂一代之文明定康熙

起居信史臣等仰體

聖心敬陳條例伏乞

特勅諭行臣衙門其纂修應用官員人役及

應用錢糧開館事宜另疏

題奏外謹此具奏奉

旨是此事著傳諭總理事務王大臣

二十日辛未禮部奏請慶賀元旦禮儀

奉

旨禮部奏請元旦詣

皇太后宮行禮并請朕升殿受禮朕轉奏

皇太后奉

皇太后慈諭皇帝登極鉅典攸關是以前日勉從諸王大臣之請今雍正元年元旦尚在百

日之內何忍卽行慶禮欽此諭爾等知悉至

朕元旦升殿前請頒發表式之本已降諭

旨

二十四日乙亥內閣大學士臣馬齊等

謹

奏為請

旨事康熙六十一年十二月十九日臣等

奏稱纂修

聖祖仁皇帝實錄奉

旨是此事著傳諭總理事務王大臣_臣等會

同查得纂修

實錄舊例大學士內點一人為監修官餘為總

裁官內閣翰林院學士等員為副總裁

官點定之後開列纂修收掌謄錄等官

具奏今照例開列_臣等職名具

題伏祈

皇上於大學士尚書等員內點監修官一員

其餘大學士尚書等員俱為總裁官再

於_臣等衙門學士翰林院學士等員內

點副總裁幾員

命下之日照例頒給監修官總裁官

勅諭其纂修收掌膳錄等官另行酌擬具

奏謹

題請

旨奉

旨大學士馬齊著為

實錄館監修總裁官舅舅隆科多嵩柱白潢張

鵬翮俱著為總裁官朱軾張廷玉勵廷儀

阿克敦額和納登德俱著為副總裁官

二十七日戊寅怡親王允祥十六阿哥

允祿以莽鵠立所繪

聖容捧進於

養心殿先是莽鵠立以初繪

聖容進呈

上恭奉於

養心殿正中跪而仰瞻見
眉目之間稍未舒展

親加指授莽鵠立遵

旨敬寫至是恭進

天表儼然

上瞻仰依戀悲痛不勝

命俟

梓宮發引後敬謹供奉於

壽皇殿

二十九日庚辰行歲暮大祭禮

上撫時增感悲愴備至

祭文

聖容漸遠驚歲籥之初周

仙衛常陳悵春奠之忽茁瞻霜林而委奠淚溢

椒盤合風樹以成悲神悽松牖時逢易序
聖容心益增哀欽惟

皇考大行皇帝

聖亶聰明

天錫智勇

道繼勲華之統

功兼創守之全

通九譯之車書文明廣被

集八埏之玉帛武畧弘宣振綱紀以畢張握

機樞而獨運矜疑待讞恒聞

欽恤之詞暘雨偶愆輒動

憂勞之色惟

宸衷無忘於保赤斯

帝德克配乎穹蒼何期

靈馭之升遐遽奄

仙輶而改歲曩者樺燈列宴侍

玉座以承歡今茲栢酒盈樽對

黼筵而灑涕感流光之易邁念

顧復之難忘酬報無從悽愴曷極於戲情深愛

日空陳獻歲之儀痛抱終天莫遂祈年之

願挽難回之日馭令節徒新溯儼在之

天顏深悲如舊敬依

園寢肅潔

几筵俯達哀悰仰垂

聖鑒

聖鑒

其後論致遠卦時畫

國寶

天賦



